

無上秘要卷之十五 十六回卷
原缺第十五十四

七

衆聖本迹品中

青靈始老君

道言東方安寶華林青靈始老君往在白氣御運於金劫之中雙生鬱悅金聯雲臺那林之天西婁无量玉國浩明玄嶽厥名元慶於此天中大建功德初無懈心勲名仰徹朱陵火官書其姓名記於赤簡仙道垂成而值國多姝女元慶遂寄世散想靈魔舉其渴日朱官輟其仙名一退遂經三劫中值火劫改運元慶受氣寄胎於洪氏之胞上天以其先身好色故轉為女子朱靈元年歲在丙午誕於丹重龍羅衛天洞明玉國朱靈之阿改姓洪諱那臺年十四敬好道法心願神仙恒市香膏然燈照瞑大作功德諸天所稱名標上清南極上靈紫虛元君託作庸人下世教化見那臺貞潔高尚至法迴駕於丹霍之阿授那臺靈寶亦書南方真文一篇於是那臺志勵殊懇自謂一生作此女子處於幽房無由得道因長齋持戒思念願得轉身為男丹心遐

徹遂致感通上真下降

元始天尊時於琅碧之谿扶搖之丘坐長林扶桑之下衆真侍座是日那臺見有五色紫先曲照齋堂於是心悟疑是不常仍出登墻四望忽見東方桑林之下華光赫奕非可勝名去那臺所住數百里中隔閼賜谷滄海之口心懷踊躍無由得往因稽首遙禮得那臺先緣不厚致作女身發心願樂志期神仙道高法妙不可得攀日夕思念冀得減度轉形為男歷年無感常恐生死不得遂遇彌齡之運有於今日天河隔礙無由披陳今當投身碧海歸命十天莫我形魂早得轉輪更建功德萬劫之中莫見道真言畢便從墻上投身擲空命赴滄海極淵之中紛然無落即為水帝神王以五色飛龍捧接女身俄頃之間已於懸中得化形為男子乘龍策虛飛至道前於是元始即命仙都錫加帝號於火劫受命輔於靈寶青帝玉篇七百年中大劫數極青氣運行隨元始滅度以開光元年於彌梵羅臺霄絕寒丘飛元雲根之都滄霞九雲之

墟元始又錫安寶華林青靈始老帝君號丹靈真老君

道言南方梵寶昌陽丹靈真老君者本姓鄭字仁安大炎之胤生於禪黎世界亦明天中生仍有三氣之雲纏其形朱鳥鼓翮覆其身三日能言便知宿命年及十二面有金容玉顏便棄世離俗遠遊山林於寒靈洞宮遇玄和先生授仁安靈寶赤書五氣玄天黑帝真文一篇智慧上品十誠而去仁安於是奉誠而長齋大作功德珍寶布施以拯諸之割肉餉鳥功名徹天因於胃那國遇天洪災大水滔天萬姓流漂仁安於洪波之上汎舟誦誠書黑帝真文以投水中水為開道百頃之地鳥獸摩鹿虎豹獅子皆往依親悉得無他是時國王百口登樓而深淪沒歎不能得度仁安見王垂沒乃汎舟而往以所佩真文授與國王王敬而奉之水劫即退窮然得過王既得免真文於是即飛去入雲中莫知所在仁安失去真文退仙一階運應滅度託命告終死於北戎之阿暴露死屍三十餘年形骸不

灰光色鮮明无異生時露在北六長林之下時國王遊獵放火燒山四面火下是時仁安死屍之間百步之內火不得然聲虎豹莫不依親王怪而往見此死屍上有三色之光雲霧鬱鬱為獸摩鹿而繞左右王乃伐新園屍故火燒燒死屍屍於火中鬱起成人坐青煙之上指點虛無五色煥爛左右侍者仙童玉女三百餘人肅然而至預是禽獸依親之者並在大中皆得過度仁安以亦明二年歲在丙午於娑摩坦婁于瞻天中洞寥之嶽改姓洞浮諱曰極炎受錫南單梵寶昌陽丹靈真老帝君號

元靈元老君

道言中央玉寶元靈元老君者本姓現字信然蓋洞元之胤中和之曾生於善忍世界音元天中流生之丘受生一劫朕然不語混沌无心食氣為糧天地未光无常童子於无色之國授信然靈寶赤書赤帝真文一篇於是時惟修一身初不開張廣度天人善功未充運應更誠於青元天中命終魂生之州露屍

絕丘之下經一百餘年死而不灰常有黃氣覆蓋其上至水劫流行天下溟然死屍四面涌土連天過塞水道信然應化鬱然而起更生成人改姓通班諱曰元氏水過易位天地開光三象朗曜七元高明

元始天尊以開冥元年歲在己丑於高桃厲冲龍羅天反魂林中錫元氏玉寶元靈元老帝君號

皓靈黃老君

道言西方七寶金門皓靈黃老君者本乃靈鳳之子也靈鳳以何羅天中生於衛羅大堂世界衛羅國王取而畜之玉有長女字曰配朕意甚憐愛恒與共戲於是靈鳳常以兩翼扇女面上十二年中女忽有胎經涉三月王意怪之因斬鳳頭埋著長林丘中女後生女墮地能言我是鳳子位應天妃王名曰皇妃生得三日有羣鳳來賀玄嘯玉霜洪泉曲水八鍊芝英年及八歲執心肅操起群拔俗常朝則謁日暮則揖月於重宮之內王設厨膳初不味口天作大雪一年不解雪深十丈鳥

獸餓死王女思憶靈鳳往之遊好駕而臨之於長林丘中歎而歌曰杳杳靈鳳綿綿長歸悠悠我思永與願違萬劫無期何時來飛於是王所殺鳳鬱然而生抱女俱飛還入雲中王女今於景霄之上受書為南極上元君常乘九色之鳳此女前生萬劫已奉靈寶致靈鳳降形得封南極元君之號皇妃功德遐徹天真感降以上朕之年歲在庚申七月七日中時

元始天尊會於衛羅玉國鳳麟之丘坐鸞華之下眾真侍座是時皇妃所住室內忽有日象如鏡之圓空懸眼前皇妃朕見天真大神昔在鏡中長林之下一室光明於是自登通陽之臺遙望西方見鳳生丘上紫雲鬱勃神光輝燦非可得名去皇妃所住五百步許逼以女限處在宮內無由得往須臾忽有神鳳來翔集於臺上皇妃白鳳言西方有道心願無緣不審神鳳可得暫駕見致與不於是鳳即敷爾使上翻上一舉運至道前

元始天尊指金臺王母即汝師也便可施禮

皇妃叩頭上啓惟願東華特垂哀矜則朽骸更生言畢金母封其西靈玉妃之號即命九光靈童披霜羅之縵出靈寶真文白帝一篇以授皇妃受號三百年中仍值青劫改運皇妃方復寄胎於李氏之胞二年於西郡玉國金龍幽谷李樹之下而生化身為男改姓上金諱曰昌至開光元年歲在壬申元始錫西方七寶金門時靈童老帝君號

五靈玄老君

道言北方洞陰朔單鬱絕五靈玄老君者本姓浩字數明蓋玄皇之胤大清之曾生於元福棄賢世界始青天甲年至十二性好幽寂心翫山水遠於家中或去十日時復一還時天下大荒人民餓死一國殆盡數明於地鏡山下遇一頂巨勝身自採取餉係窮之日得數過救度垂死數千餘口隨取隨生三年不還他人往覓莫知其處是時辛苦形體憔悴不暇營身遂致疲頓死於山下九天書其功德金格記其玉名度其魂神於朱陵之宮帝遺金翅大鳥恒數兩翼以覆其屍七百年中

屍形不灰至水劫改運水捧其屍漂於無涯水過數明屍落貝渭邪源初默天醫單之國北壘玄丘四十年中又經山火火行燬燒屍形屍於火中受鍊而起化生成人五色之雲覆蓋其上至開明元年於北壘玄丘改姓節諱靈會元始錫靈會洞陰朔單鬱絕五靈玄老帝君號

老帝君號

道言南極尊神者本姓皇字度明乃閻浮黎國蛇王之女也生於禪黎世界赤明天中生乃富貴父為國王女居宮內金牀玉榻七色寶帳明月雙珠光照內外王給妓女數千餘人國中珍寶無有所乏恒欲布散大建功德志極山水尋求神仙逼限官裏津路無緣慄慄不樂心自愁煎王意憐愍慰喻百端問女意故女終不言淚落如雨初無一懼王加其妓樂日日作唱度明聞樂恒如不聞獨在一處清淨燒香長齋持誡日中乃餐王知其意登於宮中為踊土作山山高百丈種植竹林山上作臺名曰尋真玉臺度明棄於宮殿登臺裸身過斷道運人路不通單影獨宿一十

二年積感浩蒼天帝君遣朱宮玉女二十四人乘雲駕鳳下迎度明當去之夕天起大風雷雨電激揚地舍迴轉驚動一宮王大振懼莫知所從天曉成光失去山臺不見女身帝迎度明於陽丘之嶽丹陵上舍栢林之中朱鳳侍衛神龍翼軒玉童玉女三百餘人王失其女思憶煩怨三日不食於後大劫數交天地易位度明應在棄蕩之例南上感其丹至朱官書其紫名化其形骸於無始之胞一劫而生得為男身於南丹洞陽上館明珠七色寶林赤帝梵寶昌陽丹靈真老君錫度明南極上真之號

赤明天帝

道言昔禪黎世界隸王有女字絳音生乃不言年至十四王怪之為乃棄女於南浮長森之阿空山之中女乏無糧食常仰日咽氣引月服精自然充飽體不損常行山周而忽與神人會於丹陵之舍栢林之下執絳音右手題赤石之上語絳音曰汝雖不能言可憶此也絳音私心自悼受生不幸口不能言棄在

窮山誓心自願得還人中當作功德無有愛惜百劫之後冀與願會天為其感遣朱官靈童下教絳音治身之術授其赤書八字之音於是能言絳音晨夕朝禮天文道真既降逆知吉凶後使百靈坐命十方於山而出還在國中時天下大旱人民焦燎王大懼怖祈請神明絳音往白玉宮聞山中有女不言能感天王識之不乎王於是悟識是王女迎女還宮見女能言王有愧顏女顯其道真為王仰嘯天降洪水至十丈於是化形隱景而去仍更寄形洪氏之胞運未應轉方又受生還為女身父字福慶名女曰阿丘曾然燈燒香長齋幽室丹誠積感道為之降以開光之年十方大聖尊神妙行真人同會南園丹霍之阿三元洞室青華林中衆真侍座香華效樂五千萬衆真文奕奕光明洞達朕朗內外雲景煒燦如星中之月去阿丘曾所往舍數十里中丘曾時年十六見舍光明內外朗照疑似不常乃出南向望見道真丘曾惟喜又手作禮遙稱名曰丘曾今遭幸會身親天尊

非分之慶莫知所陳皈命十方天中之天惟蒙玄監賜以誠言萬劫滅度冀得飛仙魔見丘曾發心大願恐過魔界因託作五帝老人往告丘曾我受十方尊神使命來語女曰靈寶法興吾道方行每欲使女仁愛慈孝恭奉尊長敬承二親如聞女父當聘女身已相許和受人之言父母之命不可不從宜先從之人道既備餘可投身違父之教仙無由成女答魔言我前生不幸致作女身晨夕勉勵誓在一心生由父母命歸十天誠違父教不如君言魔見丘曾執心易正於是使退丘曾自云道既高邈無緣得暢仍聚柴登壇燒身形冀我形骸得成飛塵隨風自舉飛至道前於是火然丘曾投身紛爾無著身如蹈空俄頃之間已見丘曾化成男子立在道前元始即命南極尊神為丘曾之師授丘曾十誠靈寶真文元始又告南極尊神丘曾前生萬劫已奉靈寶功德未備致寄生轉輪至于今日化生人中見吾出法即得化形當更度人九萬九千乃得至真大神當為陽映赤明天帝

無上秘要卷之十五